

蘭臺軌範卷八

吳江徐靈胎洄溪著

婦人

素問

六元正紀大論黃帝問曰婦人身重毒之何如岐伯曰有故無殞亦無殞也帝曰願聞其故岐伯曰大積其可犯也衰其大半而止過者死腹中論帝曰何以知懷子之且生也岐伯曰身有病而無邪脈也奇病論黃帝問曰人有重身九月而瘡此何為也岐伯曰胞之絡脈絕也帝曰何以言之岐伯曰胞絡者繫於腎少陰之脈貫腎繫舌本故不能言帝曰治之奈何岐伯曰無治也當十月復平人氣象論婦人手少陰脈動甚者妊子也

難經

妊之為病其內苦結女子為瘕聚左者為腎右者為命門命門者諸精神之所舍原氣之所繫也男子以藏精女子以繫胞

金匱

問曰新產婦人有三病一者病瘕二者病鬱冒三者大便難何謂也曰新產血虛多汗出喜中風故令病瘕亡血復汗寒多故多鬱冒亡津液胃燥故大便難產婦鬱冒其脈微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之雖當汗出不宜太過師曰產婦腹痛法當以枳實芍藥散假令不愈者此為腹中有瘀血著臍下宜下瘀血湯主之亦主經水不利產後七



南京中醫藥大學圖書館藏

蘭臺軌範卷八

吳江徐靈胎洄溪著

婦人

素問

六元正紀大論黃帝問曰婦人身重毒之何如岐伯曰有故無殞亦無殞也帝曰願聞其故岐伯曰大積其可犯也衰其大半而止過者死腹中論帝曰何以知懷子之且生也岐伯曰身有病而無邪脈也奇病論黃帝問曰人有重身九月而瘡此何為也岐伯曰胞之絡脈絕也帝曰何以言之岐伯曰胞絡者繫於腎少陰之脈貫腎繫舌本故不能言帝曰治之奈何岐伯曰無治也當十月復

婦人手少陰脈動甚者妊子也

難經

妊之為病其內苦結女子為瘕聚左者為腎右者為命門命門者諸精神之所舍原氣之所繫也男子以藏精女子以繫胞

金匱

問曰新產婦人有三病一者病瘕二者病鬱冒三者大便難何謂也曰新產血虛多汗出喜中風故令病瘕亡血復汗寒多故多鬱冒亡津液胃燥故大便難產婦鬱冒其脈微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之雖當汗出不宜太過師曰產婦腹痛法當以枳實芍藥散假令不愈者此為腹中有瘀血著臍下宜下瘀血湯主之亦主經水不利產後七

八曰無太陽證。少腹堅痛。此惡露不盡。不大便。煩燥發熱。切脈微實。再倍發熱。日哺時煩燥者。不食。食則讞語。至夜即愈。宜大承氣湯主之。熱在裏。結在膀胱也。婦人傷寒發熱。經水適來。晝日明了。暮則讞語。

如見鬼狀者。此為熱入血室。治之無犯胃氣。及上二焦。必自愈。婦人中國發熱惡寒。經水適來。得七八

日熱除。脈遲身涼。和胸脇滿。如結胸狀。讞語者。此為熱入血室也。當刺期門。隨其實而取之。期門。乳頭下六寸。在

寸第二肋端。此等婦人之病。因虛積冷。結氣為諸。經水斷絕。至有歷年血寒積結。胞門寒傷。經絡凝堅。在

刺法最易學也。上嘔吐涎唾。久成肺癰。形體損分。在中盤結。變臍寒疝。或兩脇疼痛。與臟相連。或結熱中痛。在關元脈。數

無瘡。肌若魚鱗。時著男子。非止女身。在下未多。經候不勻。令陰掣痛。少腹惡寒。或引腰脊。下根氣衝氣街

急痛。膝腔疼痛。奄忽眩暈。狀如厥癰。或有憂慘悲傷多頃。此皆帶下。非有鬼神。久則羸瘦。脈虛多寒。三平

六病。千變萬端。審脈陰陽虛實。緊弦。行其針藥。治危得安。其雖同病。脈各異源。子當辨記。勿謂不然。問

曰。婦人年五十。所病下痢。數十日不止。暮即發熱。小便裏急。腹滿。手掌煩熱。唇口乾燥。何也。師曰。此病屬

帶下。何以故。曾經半產。瘀血在少腹不去。何以知之。其症唇口乾燥。故知之。當以溫經湯主之。婦人陷

經漏下黑。不解。膠薑湯主之。方無考。校本云。宜是膠艾湯。婦人懷妊六七月。脈弦發熱。其胎愈脹。腹痛惡寒者。少腹

如扇。形容惡寒之盛。所以然者。子臟開故也。當附子湯溫之。方無考。婦人傷胎。懷身腹滿。不得小便。從腰以下重

如有水氣狀。懷身七月。太陰當養不養。此心氣實。當刺瀉勞宮。關元。小便微利則愈。

病源

妊娠數墮胎候。血氣虛損。子臟為風冷所居。則血氣不足。故不能養胎。所以致胎數墮。候妊娠而恆腰

痛者。喜墮胎也。按墮胎皆由於血熱。兩胎一死一生候。陽施陰化。精盛有餘者。則成兩胎。其兩胎而一死者。候其

胎上冷。是胎已死也。

妊娠過年不產。由挾寒冷。宿血在胞。而有胎則冷血相搏。令胎不長。產不以時。若其胎在胞。日月雖多。其胎翳小。轉動勞羸。是挾於病。必過時乃產。

胞轉。臍下急痛。小便不通是也。其病由不同胞轉及胞落並致死。

帶下三十六疾。諸方說三十六疾者。是十二癥九痛七害五傷三固是也。十二癥者。是所下之物。一如膏。二如青血。三如紫汁。四如赤皮。五如膿。六如豆汁。七如葵根羹。八如凝血。九如青血。血似水。十如米汁。十一如月澆。十二經度不應期也。九痛者。一陰中傷痛。二陰中淋痛。三小便即痛。四寒冷痛。五月水來腹痛。六氣滿並痛。七汁出陰中。如蟲嚙痛。八脇下皮痛。九腰痛。七害者。一害食。二害氣。三害冷。四害勞。五害房。六害妊。七害睡。八傷者。一窮孔痛。二中寒熱痛。三小腹急。牢痛。四臟不仁。五子門不正。引腎痛。三固者。一月水閉塞不通。其餘二固。文缺不載。

與鬼交。臟腑虛。神守弱。鬼氣得病之也。其狀不欲見人。獨言笑悲泣。脈來遲伏。或如鳥啄。

惡阻。心中清悶。頭眩。四肢煩疼。懈惰不欲執作。惡聞食氣。欲噉食鹹酸果食。多睡少起。乃至三四月以上大劇者。不能自勝舉也。此由婦人元本虛弱。血氣不足。腎氣又弱。兼當風食冷太過。心下有痰氣挾之。而有妊也。

子滿。此由脾胃虛弱。有停水而挾以妊娠也。水漬於胞。則令胎壞。惟將產之月。而脚微腫。則其產易。蓋

胞臟水血多也。初妊娠者。則反壞胎。

胎漏。此由衝任脈虛。不能約制太陽少陰之經血也。亦名胞阻。漏血盡。則人斃也。

鬼胎。正虛則妖魅精入臟。狀如懷妊。

胎疸。其母臟氣熱熏蒸於胎。

血分 是經血先斷而後成水病以其月水壅塞不通經血分而為水故曰血分

胞絡傷損 子臟虛冷氣下衝則陰挺出謂之下脫亦有因產用力傷氣而陰脫者

陰臭 由于子臟有寒寒搏於津液蘊積氣衝於陰故變臭也此亦由內熱所致

子臟開 由于子臟宿虛因產冷氣乘之血氣得冷不得相榮故令開也

婦人方

桂枝茯苓圓金

治婦人宿有癥病經斷未及三月而得漏下不止胎動在臍上者為癥瘕害妊娠六月

動者前三月經水利時胎也下血者後斷三月衃也所以血不止者其癥不去故也當下其癥此主之

桂枝 丹皮

茯苓

桃仁去皮芍藥各等

右五味末之煉蜜丸如兔屎大每日食前服

一丸不知加至四丸

當歸芍藥散金

治婦人懷妊腹中疴痛

當歸 芍藥

一斤 茯苓四兩 白朮四兩 澤瀉半斤 芎藭三兩

杵為散取方寸匕酒和日三服

乾薑人參半夏丸金

治妊娠嘔吐不止

乾薑 人參

各半 半夏二兩

右三味末之生薑汁糊丸如梧子大飲服十丸日三

葵子茯苓散金

治妊娠有水氣身重小便不利灑淅惡寒起即頭眩

葵子一斤 茯苓三兩

右二味杵為散飲服方寸匕日三服小便利則愈

當歸貝母苦參丸金

治妊娠小便利難飲食如故

當歸 貝母

各等 苦參

右三味末之蜜丸如小豆大飲服三丸加至十丸

當歸散金

婦人妊娠宜常服



當歸 黃芩 芍藥 芫蕒 各一斤 白朮 半斤 右五味杵為散酒服方寸匕日再服妊娠常

服即易產胎無苦疾產後百病悉主之

白朮散 金 妊娠養胎

白朮 芫蕒 蜀椒 三分牡蠣 右四味杵為散酒服一錢匕日三服夜一服但苦痛加芍藥

心下毒痛倍加芫蕒心煩吐痛不能飲食加細辛一兩半夏大者二十枚服之後更以酸漿水服之若

嘔以醋醬水服復不解者小麥汁服之以後渴者大麥粥服之病雖愈服之勿置 源本

枳實芍藥散 金 治產後腹痛煩滿不得臥

枳實 燒令過 芍藥 等分 右二味杵為散服方寸匕日三服并主癰腫以麥粥下之假令腹痛不愈

此為腹中有瘀血著臍下宜下瘀血湯主之亦主經水不利

下瘀血湯 金

大黃 三兩 桃仁 二十枚 蟅蟲 二十枚 末之蜜和為四丸以酒一升煎一丸取八合頓服之新血下如豚

肝 以丸作煎又一法 按新字當作瘀字

竹葉湯 金 治產後中風發熱面正赤喘而頭痛

竹葉 一把 葛根 三兩 防風 桂枝 桔梗 人參 甘草 各一附子 一枚 大棗 十五枚

生薑 五兩 右十味水一斗煮取二升半分溫三服溫覆取汗出頸項強用大附子一枚破之如

豆入前藥揚去沫嘔者加半夏半升洗

竹皮大丸 金 治婦人乳中虛煩亂嘔逆安中益氣

生竹茹 二分 石膏 二分 桂枝 一分 甘草 七分 白薇 一分 右五味末之棗肉丸如彈子大飲服一丸

日三夜二。有熱倍白薇。煩喘者加柏實一分。

白頭翁加甘草阿膠湯隨金 治產後下痢虛極。

白頭翁 甘草 阿膠各二兩 秦皮三兩 黃連二兩 柏皮三兩

右六味。水七升。煮三升。半飲膠。

今消。分溫三服。

半夏厚朴湯隨金 治婦人咽中如有炙脔。

半夏一升 厚朴三兩 茯苓四兩 生薑五兩 乾蘇葉二兩

右五味。水七升。煮取四升。分溫四服。日三。

夜一。

甘麥大棗湯隨金 治婦人臟燥。悲傷欲哭。象如神靈所作。數欠伸。此主之。

甘草三兩 小麥一升 大棗十枚 右三味。水六升。煮取三升。分溫三服。亦補脾氣。

溫經湯隨金 主婦人曾經半產。瘀血在少腹不去。其證唇口乾燥。

吳茱萸三兩 當歸二兩 芍藥二兩 人參二兩 桂枝二兩 阿膠二兩 丹皮二兩 生薑三兩

甘草二兩 半夏一升 麥冬一升 水一斗。煮取三升。分溫三服。亦主婦人少腹寒。久不受胎。兼治。

崩中去血。或月水來過多。及至期不來。總調經方

土瓜根散隨金 治帶下經水不利。少腹滿痛。經一月再見。

土瓜根 芍藥 桂枝 蟅蟲各三兩 右三味。杵為散。酒服方寸匕。日三服。此治瘀血伏留

旋復花湯隨金 寸口脈弦而大。弦則為減。大則為芤。減則為寒。芤則為虛。寒虛相搏。此名曰革。婦人則半。

產漏下。此湯主之。

旋復花三兩 蔥十四莖 新絳少許 水三升。煮取一升。頓服。



大黃甘遂湯金

治婦人少腹滿如敦狀。小便微難而不渴。此為水與血俱結在血室也。此主之。

大黃四兩 甘遂二兩

阿膠二兩

右三味以水三升。煮取一升。頓服。其血當下。

礬石丸金

治經水閉不利。臟堅癖不止。中有乾血。下白物。

礬石三分 杏仁一分

右二味末之。煉蜜丸。棗核大。納臍中。劇者再納之。

紅藍花酒金

治婦人六十二種風。腹中血氣刺痛。

紅藍花一兩 酒一大升

煎減半。頓服。一半未止再服。

蛇床子散金

治婦人陰寒。溫陰中坐藥。

蛇床子一兩

以白粉少許。和合相得。如棗大。綿裹納之。自然溫。

狼牙湯金

治婦人陰中生瘡。蝕爛者。

狼牙三兩 水四升

煮取半升。以綿纏筋。如繭絞。湯瀝陰中。日四遍。

三物黃芩湯金

治婦人在草蓐。自發露得風。四肢苦煩。熱頭痛者。與小柴胡湯。頭不痛。但煩者。此湯主之。

黃芩一兩 苦參二兩 地黃四兩

右三味水六升。煮取二升。溫服一升。多吐下蟲。

當歸建中湯金

治產後虛羸不足。腹中刺痛不止。吸吸少氣。或苦少腹中急。摩痛。引腰背。不能食飲。產後一月日得服。四五劑為善。令人強壯。宜。

當歸四兩 桂枝三兩 芍藥六兩 生薑三兩 甘草二兩 大棗十二枚

右六味水一斗。煮取三升。分溫三服。一日令盡。若大虛者。加飴糖六兩。湯成納之大上。煖令飴消。若去血過多。崩傷內衄不止。加地

黃六兩 阿膠二兩

佛手散本事方又 調經。

佛手散本事方又

調經。



南京中醫藥大學圖書館版權所有

芎藭 二兩 當歸 三兩

右為細末。每服二錢。水一盞。酒二分。煎七分。溫服。

回生丹 此催生之聖藥

錦紋大黃 一斤 蘇木 三兩 打碎用河水五 大黑豆 三升 水浸取殼用絹袋盛設同豆煮

三四盞煎汁三 醋者九斤 將大黃末入淨鍋下米醋三斤 文火熬之以長木筯不住手攪之成膏再

醋三斤熬之又加醋三斤 次第加畢然後下黑豆汁三盞再熬次下蘇木汁 次下紅花汁熬成大黃膏

取入瓦盆盛之大黃鍋耙亦鏟下入後藥同磨 人參 當歸 酒洗 葛藟 香附 酒洗

延胡索 酒炒 蒼朮 浸炒 蒲黃 隔紙 茯苓 桃仁 各一兩 去 牛膝 五錢 甘草 炙

川羌活 橘紅 白芍 酒炒 五錢 木水 青皮 各三錢 乳香 沒藥 各二 益母草 三兩

木香 四錢 白朮 三錢 米 烏藥 二兩 五 良薑 四錢 馬鞭草 五錢 秋葵子 三錢 熟地 一兩 酒浸九次

山稜 五錢 醋浸 五靈脂 五錢 醋煮化 山萸肉 五錢 酒 上三十味并前黑豆殼共曬為末入石臼內大

黃膏拌勻再下熟蜜一斤 共搗千杵為丸 重二錢七八分 陰乾不可火烘燥蠟為殼護之用時去蠟

開胃散 臨產婦交骨不開

當歸 五錢 龜板 三錢 醋 芎藭 二錢 婦人髮 一團 水煎服

奪命散 產後

沒藥 血竭 等分 右研為細末。燒產下用童便細酒半杯煎一二沸調下二錢。良久再服。其惡

血下行。便不衝上。免生百疾。

下死胎方 林事

桂木 三錢 麝香 當門子 一粒 全研溫酒服。須臾如手推下比之。用水銀等藥。此不致損元氣也。

南京中醫藥大學圖書館藏

交加散方本

治婦人榮衛不通。經脈不調。腹中撮痛。氣多血少。結聚為瘕。產後中風。

生地黃取五兩研

生薑取五兩研

右交互用汁浸一夕。各炒黃。漬汁盡為度。末之。尋常腹痛。酒調。守三

錢。尤不可缺。

護胎方方本

治妊娠時氣身熱。令子不落。

伏龍肝為末。

水調塗臍下二寸。乾則易。差即止。又取井中泥塗心下。乾則易。

海蛤散方本

治婦人傷寒血結胸膈。揉而痛不可撫近。

海蛤滑石

甘草各一芒硝半兩

右為末。每服二錢。雞子清調下。

小柴胡加地黃湯方本

治婦人室女傷寒發熱。或發寒熱。經水適來。或適斷。晝則明了。夜則譫語。如見

鬼狀。亦治產後惡露方來。忽爾斷絕。

柴胡一分 人參一分

黃芩

甘草

生地黃各半

右為末。每用五錢。水二盞。生薑五片。棗二

枚。煎至八分。去渣服。此即熱血室

烏雞煎圓方本

治婦人胎前產後諸般疾患。並皆治之。

烏雄雞一隻 人參

白朮

石床

丹皮

黃耆

烏藥

草蓂

延胡索

地黃熟乾者 木香

琥珀

肉豆蔻各半

陳皮

紅花

川烏泡

海桐皮

芍藥白

附子皮去 肉桂皮去粗

蓬莪朮各三兩

蒼朮米泔浸切

右細剉。用烏雄雞一隻。搗去毛及腸肚。將以上

藥安放雞腹中。用新瓦瓶好酒一斗。同煮令乾。去雞骨。以油單紙盛焙乾。為末。煉蜜丸。如梧桐子大。每

服三十丸。

猪蹄湯方本

治乳婦氣少血衰。脈澀不行。絕無乳汁。

婦人

五



南京中醫藥大學圖書館藏

猪蹄一隻木通五兩

右將猪蹄淨洗依食法事治次用水一斗同木通浸煮得四五取汁飲如

乳不下再服為妙

紫石英丸方局

治婦人久冷無子及數經墮胎經水不調崩漏帶下三十六病積聚癥瘕少腹急腫小便

白濁

烏賊魚骨燒灰甘草炙

柏子仁微炒山積各一兩辛荑仁

肉桂去粗皮卷柏

石斛

乾熟地黄

芎藭

牡蒙

禹餘糧醋洗七次

人參

續斷後

細辛

桑寄生

牛膝

厚朴薑汁炙

食茱萸

當歸炒

川烏皮泡去脂乾薑泡

丹皮各一兩

天門冬去心

紫石英各細研飛

右為細末煉蜜丸如梧子大每服三十丸溫酒或米飲下空心食前日二服

催生丹方局

治產婦產育艱難或逆或橫並宜服之

母丁香末

麝香別研

兔腦臘月者去

乳香細別研極

右拌勻以兔腦和圓如雞豆大陰乾用油

紙蜜封貼

溫水服一丸即時產下隨男左女右手握丸藥出是驗

小調經散方局

治產後敗血循環流入四肢腐爛如水服此血行腫消則愈

沒藥

琥珀

桂心

白芍

當歸各一錢

細辛

麝香各五分

為末薑汁酒各少許調

服此方治血

二味參蘇飲

治產後瘀血入肺咳嗽喘急

人參

紫蘇二兩疑

作一劑水煎服若既愈當用六君子湯以補脾胃若口鼻黑氣起急用

此藥加附子五錢亦有得生者

紫蘇飲方局

治子懸腹痛或臨產驚恐氣結連日不安或大小便不利

當歸

甘草

大腹皮黑豆浸

人參

芎藭

橘皮各七

白芍炒五

紫蘇一錢

薑蔥引

水煎服

紫散

用元紀

止血崩

香附子

炒黑存性

為末。熱酒調方寸匕再服立定。生末安胎。

秦桂丸

方雜抄

治婦人無子。

秦艽

桂心

杜仲

防風

厚朴各三錢

附子生用

茯苓各一兩

白薇

乾薑

沙參

牛膝

半夏各五錢

人參一兩

細辛一兩

錢

右十四味

為末

煉蜜丸

如菜豆

大每服

三十

丸。空心米飲任下。未效再加數丸。已覺有孕。便不可服。

求嗣方

方雜抄

壬子日合藥。別日不用。名助陽丹。

細辛

五錢

牛膝

二兩

茯苓

一兩

沒藥

四錢

吳茱萸

白薇

白芍

秦艽

乳香

防風

當歸

去蘆各三錢

肉桂

厚朴

石菖蒲

附子

各二錢

人參

一錢

以上二方

治胞寒

無子者

陰虛血少者

非宜

黃龍湯

活人書

妊娠寒熱頭疼。嘿嘿不欲飲食。脇下痛。嘔逆痰氣。及產後傷風。熱入胞宮。寒熱如瘧。并經

水適斷。病後勞復。餘熱不解。

柴胡

一兩

黃芩

人參

甘草

各一分

右四味

每服五錢

水一盞

半煎一盞

去渣溫服。

桂枝湯

金匱

婦人得平脈。陰脈小弱。其人渴不能食。無寒熱。名妊娠。桂枝湯主之。於法六十日當有此證。

設有醫治逆者。却一月。加吐下者。則絕之。

小柴胡湯

金匱

婦人中風七八日。續來寒熱。發作有時。經水適斷。此為熱入血室。其血必結。故使如瘧狀。

見傷寒



大承氣湯產後七八日。無太陽症。少腹堅痛。惡露不盡。不大便。煩躁發熱。切脈微實。再倍發熱。日晡

時煩躁者。不食。食則譫語。至夜即愈。熱在裏。結在膀胱也。見傷

小青龍湯主之。見血婦人吐涎沫。醫反下之。心下即痞。當先治其吐涎沫。此主之。見痰涎沫止。乃治痞。瀉心湯

芎歸膠艾湯治陷經漏下。黑不解。見通

豬髮膏煎治婦人飲食如故。煩熱不得臥。而反倚息者。此名轉胞。不得溺也。以胞系了戾。故致此病。

腎氣丸治婦人飲食如故。煩熱不得臥。而反倚息者。此名轉胞。不得溺也。以胞系了戾。故致此病。

利小便則愈。即崔氏八味

當歸生薑羊肉湯治產後腹中疝痛。并治腹中寒疝。虛勞不足。見通

按婦人一切外感內傷等症。與男子同。無庸另立治法。惟經帶胎產。廢疾等疾病。變多端。必從調經種子等法。探本索源。而後可施。用今因金匱要略有治婦人方論一卷。故亦略載婦人常用之方數十首。以全其體。仍當取唐宋以後之方。直隸選出其外。有小兒常患之症。而方未備者。更考他書補入。治小兒之法。小兒大端。略具其所以選之。立藥一。務全錄。不必更將他卷查閱。以便業幼科者專取。此書誦習可也。

脈弦急。和氣不脈沉緩。傷食脈促結。虛驚脈浮。為風脈沉細。為寒脈亂。不治

看虎口食指寅卯辰三關以驗其病。寅卯辰即風脈紋從寅關起。不至卯關者。易治。若連卯關者。難治。

若寅侵卯。卯侵辰者。十不救一。其脈紋見有五色。如因驚必青。瀉痢必紫。當以類而推之。一歲後則可用一指轉側。辨其三部脈弦急浮沉四五歲後脈七八至而細數者。為平。九至者傷。十至者困。六至五至者。為虛。為寒。弦緊為風。癰弦急為客忤。

全幼心鑑云。小兒一歲以前。

南京中醫藥大學圖書館



面部症

左腮為肝。右腮為肺。額上為心。鼻為脾。頰為腎。若色赤者熱也。宜隨症治之。

眼部症

目內色赤者。心實熱。淡紅者。心虛熱。青者。肝實熱。淡青者。肝虛熱。黃者。脾實熱。微黃者。脾虛熱。白而淚者。肺實熱。目無精光者。腎虛也。

五臟虛實寒熱

心主驚。實則叫哭發熱。飲水而搐。虛則臥而悸動不安。視其睡口中氣溫。或合面睡。及上齩咬牙。皆心熱也。心氣實。則喜仰臥。

肝主風。實則目直大叫。呵欠項急。頻悶。虛則咬牙多欠。肝熱則手尋衣領。及亂捻物。壯熱飲水。喘悶目

赤發揚。肝有風。則目連劄得。心熱則發搐。或筋脈牽繫而直視。風甚則身反張。強直不搐。心不受熱也。

當補腎治肝

脾主困。實則困睡。身熱飲水。虛則吐瀉生風。面白腹痛。口中氣冷。不思飲食。或吐清水。呵欠多睡者。脾

氣虛而欲發驚也

肺主喘。實則悶亂喘促。有飲水者。有不飲水者。虛則哽氣長出氣。肺熱則手掐眉目鼻面。肺盛復感

風寒。則胸滿氣急。喘嗽上氣。肺臟怯則唇白。悶亂氣粗喘促。哽氣者難治。肺虛甚也。

腎主虛。無實也。惟瘡疹腎實。則變黑陷。若胎稟虛怯。神氣不足。目無睛光。面白顙解。此皆難育。雖育不壽。

或更加色欲。變症百出。愈難救療。或目畏明下竄者。蓋骨重而身縮也。咬牙者。腎水虛而不能制心火也。

變蒸



中國醫藥大學圖書館

版權所有

小兒在母腹中。乃生骨氣。五臟六腑。成而未全。自生之後。即長骨脈。五臟六腑之神智也。變者易也。自內而長。自下而上。又身熱。故已生之日。後三十二日一變。變每畢。即情性有異於前。何者。長生腑臟智意。故也。何為三十二日。長骨添精神。人有三百六十五骨。除手足中四十五碎骨。外有三百二十。自生下骨。一日十段而上。之十日百段。三十二日計三百二十段。為一遍。亦曰一蒸。骨之餘氣。自腦分入。腦中作三十二齒。而齒牙有不足三十二數者。由變不足其常也。或二十八日。即至長二十八齒以下。做此。但不過三十二數目也。凡一週遍。乃發虛熱。諸病如是。十周則小蒸畢也。計三百二十日生。骨氣乃全而未壯也。

急驚風症治

小兒急驚。因聞大聲。或驚而發搐。搐正如故。此熱生於心。身熱面赤。引飲。口中氣熱。二便黃赤。甚則發搐。蓋熱甚生風。陽盛而陰虛也。宜利驚丸。除其痰熱。不可用巴豆之藥。

慢驚風診治

小兒慢驚。因病後或吐瀉。或藥餌傷損脾胃。而肢體逆冷。口鼻氣微。手足瘳瘳。昏睡露睛。此脾虛生風。無陽之症也。小兒初生。壯熱吐。覘身體強直。手足抽掣。目反直視。是胎驚風症也。

發搐症治

驚癇發搐。男則目左視無聲。右視有聲。女則右視無聲。左視有聲。相勝故也。欲驗逆順。男則握拳。拇指

又入食指中為順。於外為逆。女則又入食指為逆。於外為順。仍參吮乳。不能類以治其母。後做此。

若傷風發搐。口中氣熱。呵及頓悶。手足動搖。若傷食發搐。身溫多睡。或吐不思食。百日內發搐。直者不過二三次。必死。假者頻發不死。真者內生驚癇。假者外傷風冷。血氣未實。不能勝任。故發搐。

癲癇症治

凡治五癰皆隨臟治之。每臟各有一獸之形並用五色丸治之。發而重者死。病甚者亦死。若反折上竄其聲如犬。症屬肝也。若目瞪吐舌其聲如羊。症屬心也。若目直腹痛其聲如牛。症屬脾也。若驚跳反折手縱其聲如雞。症屬肺也。若肢體如尸口吐涎沫其聲如猪。症屬腎也。

附面部三指診症圖



小兒半歲之間有病。以名中食三指曲。按額前眉上髮際之下。若三指俱熱。感受風邪。鼻塞氣粗。三指俱冷。感受風寒。臟冷吐瀉。若食中二指熱。上熱下冷。名中二指熱。夾驚之候。食指熱。胸膈氣滿。乳食不消。

附虎口三關脈症圖



水鏡訣云。陰陽運合。男女成形。已分九竅四肢。乃生五臟六腑。部位各分逆順難明。若憑口舌之浮沉。必至橫亡。於孩子須明虎口。辨別三關。消詳用藥。必無差誤。未及三歲。看虎口三關。若脈見風關。尚易治。交氣關則難治。交命關為死症。又當辨其色。如獸驚三關必青。水驚三關必赤。人驚三關必黑。若紫色。主瀉痢。黃色。是雷驚。三關脈通度。乃極驚之症。必死。有紋或青或紅。如線直者。是母食傷脾。左右一樣者。是驚積齊發。紋有三條。白主肺傷風痰。或齕齕聲。青主傷寒及嗽。紅主泄瀉。有黑相兼。主下痢。紅多白痢。黑多赤痢。有紫相兼。虎口脈亂。乃氣不和也。蓋脈紋見有五色。由其病甚。色能加變。即至純黑者。不可得而治矣。

五臟瘡疹證治

小兒在胎。食五臟血穢。伏於命門。若遇天行時熱。或乳食所傷。或驚恐所觸。則其毒當出。初起之候。面燥腮赤。目胞亦赤。呵欠頻悶。乍涼乍熱。咳嗽噴嚏。手足稍冷。驚悸多睡。宜究其何臟所發。察其何因所起。令乳母亦須節飲食。慎風寒。五臟各有一症。肝臟水疱青色。而小肺臟膿疱色白。而大心臟瘡色赤。而小脾臟疹。小次癰。故色赤黃淺也。先發膿疱。後發疹子者。順。先疹子後癰者。順。反此為逆。惟腎無候。但見亂。